

Služba za društvene djelatnosti i upravu

Broj: 03-20-2974/25
Lukavac, 08.10.2025. godine

Na osnovu člana 25. Pravilnika o uslovima, kriterijima i postupku ostvarivanja prava na novčanu podršku u primarnoj poljoprivrednoj proizvodnji na području grada Lukavac („Službeni glasnik Grada Lukavac“, broj: 3/24 i 5/24), Služba za društvene djelatnosti i upravu raspisuje:

JAVNI POZIV
za registrovane otkupljivače/prerađivače kravljeg mlijeka za sufinansiranje predatih količina kravljeg mlijeka korisnicima sa područja grada Lukavca u trećem kvartalu 2025. godine

Predmet Ponovnog Javnog poziva je prikupljanje prijava (zahtjeva) za registrovane otkupljivače/prerađivače kravljeg mlijeka za sufinansiranje predatih količina kravljeg mlijeka korisnicima sa područja grada Lukavca u trećem kvartalu, što je u skladu sa Programom novčanih podrški u primarnoj poljoprivrednoj proizvodnji iz Budžeta Grada Lukavca za 2025. godinu („Službeni glasnik Grada Lukavac“, broj: 3/25), tačka B) Animalna proizvodnja – stav B.1. Proizvodnja kravljeg mlijeka i ukupna visina novčanih sredstava za ovu mjeru za treći kvartal iznosi 10.000,00 KM.

I. PRAVO UČEŠĆA

Registrovani otkupljivači/prerađivači u ime korisnika sa područja grada Lukavca imaju pravo na podnošenje prijava (zahtjeva) po ovom Javnom pozivu i korisnici treba da ispunjavaju slijedeće:

A) OPĆE USLOVE:

- a) da imaju prebivalište, odnosno poslovno sjedište na području grada Lukavca, a kao dokaz se dostavlja u originalu ili ovjerenoj kopiji:
 - za pravna lica izvod iz sudskog registra;
 - za registrovana fizička lica – gradsko rješenje o registrovanom obrtu;
 - za fizička lica CIPS.
- b) da su upisani u Registar poljoprivrednih gazdinstava i Registar klijenata, (u daljem tekstu: RPG i RK),
- c) da su uredno ispunili obaveze iz svih prethodno sklopljenih Ugovora o dodjeli novčanih sredstava iz Budžeta Općine/Grada Lukavac iz prethodnih godina,
- d) da ispunjavaju posebne uslove ovim Javnim pozivom.

B) POSEBNE USLOVE:

- a) da imaju najmanje tri i više muznih krava u liniji otkupa mlijeka za koje posjeduju zdravstveni karton izdat od nadležne veterinarske stanice;
- b) da imaju sklopljen Ugovor o isporuci mlijeka registrovanom otkupljivaču/prerađivaču.

II. POTREBNA DOKUMENTACIJA

Registrovani otkupljivači/prerađivači u ime korisnika podnose prijave (zahtjeve) u Šalter Sali Grada Lukavac. Za ostvarivanje prava na novčanu podršku prilaže se sljedeća dokumentacija za svakog korisnika u originalu ili ovjerenoj kopiji:

1. Uredno ispunjen zahtjev za novčanu podršku.
2. Potvrda o upisu u RPG i RK koju izdaje nadležna Služba za vođenje RPG i RK Grada Lukavca (provjera po službenoj dužnosti);
3. Dokaz o prebivalištu odnosno poslovnom sjedištu na području grada Lukavac, a kao dokaz se dostavlja u originalu ili ovjerenoj kopiji:
 - za pravna lica izvod iz sudskog registra;
 - za registrovana fizička lica – gradsko rješenje o registrovanom obrtu;
- za fizička lica CIPS
4. Ugovor o isporuci mlijeka sklopljen sa registrovanim otkupljivačem/prerađivačem za svakog klijenta (sa podnosiocem zahtjeva, neovjerena kopija).;

5. Ne ovjerenu kopiju stočnih pasoša za svako grlo u skladu sa Pravilnikom o obilježavanju životinja na ime proizvođača;
6. Potvrdu o provedenim obaveznim zdravstvenim mjerama za svako grlo izdat od nadležne veterinarske stanice (neovjerena kopija);
7. Tabelarni prikaz za klijente koji sadrži - ime i prezime proizvođača, JMB, adresu proizvođača, broj muznih grla, isporučene količine mlijeka kvartalno, naziv banke i broj tekućeg/žiro računa korisnika, ovjeren od strane otkupljivača/prerađivača (podnosioca zahtjeva);
8. Dokaz o uplati administrativne takse

Registrovani otkupljivači/prerađivači koji su ime korisnika sa područja grada Lukavca podnijeli prijave za sufinansiranje predatih količina kravljeg mlijeka u četvrtom kvartalu 2024. godine i prvom kvartalu 2025. godine sa kompletnom dokumentacijom na Javni poziv broj: 03-20-1085/25 od 15.04.2025. godine, ukoliko nije bilo promjena kod korisnika potrebno je za iste korisnike u cilju ostvarivanja prava na novčanu podršku priložiti sljedeću dokumentaciju:

1. Uredno ispunjen zahtjev za novčanu podršku.
2. Tabelarni prikaz za kandidate sa osnovnim podacima (prezime i ime, adresa, JMB/ID broj, broj grla, predate količine mlijeka u litrima u drugom kvartalu, broj žiro računa i naziv banke korisnika);
3. Dokaz o uplati administrativne takse

Registrovani otkupljivači/prerađivači koji su ime korisnika sa područja grada Lukavca podnijeli prijave za sufinansiranje predatih količina kravljeg mlijeka u u četvrtom kvartalu 2024. godine i prvom kvartalu 2025. godine sa kompletnom dokumentacijom na Javni poziv broj: 03-20-1085/25 od 15.04.2025. godine, a ukoliko su sklopili Ugovore sa novim korisnicima sa područja grada Lukavac potrebno je da za iste prilože svu navedenu dokumentaciju u stavu 1. ovog člana.

Visina novčanih sredstava za sufinansiranje iznosi 0,10 KM/1 litru mlijeka (slovima: deset pfeninga po jednom litru mlijeka).

Ukoliko ukupan iznos obračunatih novčanih sredstava po svim urednim zahtjevima bude veći od planiranih sredstava, izvršit će se proporcionalno smanjenje iznosa novčanih sredstava po korisniku.

III. PROCEDURA ODABIRA KANDIDATA ZA DODJELU SREDSTAVA

Komisija za odobravanje novčanih podrški u primarnoj poljoprivrednoj proizvodnji iz Budžeta Grada Lukavca u 2025. godini imenovana od strane Gradonačelnika pod brojem: 02-04-695/25 dana 18.03.2025. godine će pregledati prispjele prijave i dokumentaciju, evidentirati kandidate koji ispunjavaju uslove iz Javnog poziva. Komisija neće razmatrati nepotpune i neblagovremene zahtjeve i isti će na prijedlog Komisije biti odbačeni zaključkom službe nadležne za poslove poljoprivrede.

Protiv zaključka korisnik može izjaviti žalbu Komisiji za rješavanje u drugostepenom postupku Gradskog vijeća u roku od osma dana od dana prijema zaključka.

Ukoliko Komisija utvrdi da su kandidati podnijeli prijave na Javni poziv, a da nisu ispunili obaveze iz svih prethodno sklopljenih Ugovora o dodjeli novčanih sredstava iz Budžeta Općine/Grada Lukavca po raspisanim Javnim pozivima iz prethodnih godina, prijave istih se neće uzeti u razmatranje.

Komisija na osnovu svih prethodno izvršenih radnji sačinjava i predlaže listu krajnjih korisnika koju dostavlja Gradonačelniku.

Saglasnost na predloženu listu daje Gradonačelnik.

Služba za društvene djelatnosti i upravu, nakon dobijanja saglasnosti od strane Gradonačelnika na predloženu listu, sačinat će Odluke o isplati odobrenih novčanih sredstava za novčanu podršku.

Ukoliko ukupan iznos obračunatih novčanih sredstava po svim zaprimljenim zahtjevima bude veći od raspoloživog iznosa za novčane podrške po Javnom pozivu, proporcionalno će se smanjiti odobreni pojedinačni iznos novčane podrške.

Javni poziv će biti objavljen na oglasnoj ploči Grada Lukavca, službenoj web stranici Grada Lukavac i Radio-televiziji Lukavac.

Zahtjevi (prijave) na Ponovni Javni poziv za registrovane otkupljivače/prerađivače kravljeg mlijeka za sufinansiranje predatih količina kravljeg mlijeka korisnicima sa područja grada Lukavca u trećem kvartalu se predaju u Šalter Sali Grada Lukavca.

Javni poziv teče od 09.10.2025. godine godine i ostaje otvoren zaključno sa 22.10.2025. godine do 15³⁰ sati.

**Saglasan
GRADONAČELNIK GRADA LUKAVCA**

Dr.sci. Edin Delić

**POMOĆNIK GRADONAČELNIKA
Službe za društvene djelatnosti i upravu**

Mirela Bubić, dipl. pravnik